





# Акафист лику святых Херувимов

## Кондак 1

Избранные Преплагим и Всемудрым Господом и Творцом всего видимаго и невидимаго, прехвальныи херувимы, ближнии служители Троицы Всесвятыя, вас величаем и славословим ныне мы, людие земнородныи, и просим вас, заступницы и наставницы наши, умудрите ны на пути спасения вечнаго и примите лики сия: Радуйтеся, велехвальныи херувимы, светом разума спасительнаго ны озаряющии!

## Икос 1

Ангельский собор и человеческий род в радости духовной пребывая величает и славословит Творца миров, горнего и дольного; вы же, богоносныи херувимы, ближнии служители Троицы Живоначальныя, не призрите наших слабых молений и величаний, с верою и упованием ныне возносимых, да вами направляемые и споспешествуемые возможем на небеси с вами купно словословити Господа Преплагаго. Сего же ради вам вопием сице: Радуйтеся, яко от суеты земныя к правде небесней ум нас воскриляете; Радуйтеся, яко познавати вечныи истины Божия

нам помогаете;  
Радуйтесь, яко от бесплодных поисков умы  
наши исцеляете;  
Радуйтесь, яко на правый путь присно  
наставляете;  
Радуйтесь, истинным богопознанием разум наш  
наполняющие;  
Радуйтесь, богоугодныя добродетели  
благоуспешно вкореняющие;  
Радуйтесь, от тлетворнаго буйства страстей  
исцеляющие;  
Радуйтесь, велехвальныя херувимы, светом  
разума спасительнаго ны озаряющие!

## **Кондак 2**

Видения всечуднаго сподоби Господь  
прехвальнаго угодника своего, блаженнаго  
Дионисия Ареопагита, иже, вняв неба  
содроганию, узрел есть горних миров таинства и  
возвестил еси в писаниях своих о служении  
высших чинов безплотных Творцу и Владыце  
Нашему; сие убо воспоминающе, просим вы,  
достославныя херувимы, лепотою богоподобия  
преобразите души грешныя наши, да возможем  
и мы купно с собором праведников и вами во  
веки воспевати Отцу Небесному: Аллилуйя.

## **Икос 2**

Разумом, чувствами и всем естеством нашим  
восхищенные велиею премудростию Творца  
Нашего, величаем Его, и прославляем Всесвятое  
Имя Его, по прехвальному промыслению своему  
в первый день творения создавшему вас,  
многоочитые херувимы, яко служителей  
предвечныя мудрости Своея; сего ради мы с  
надежду взываем вам сице;  
Радуйтесь, Божественныя силы и славы  
благоговейныя созерцателие;  
Радуйтесь, велений Отца Небеснаго  
благопоспешливыя истолнителие;  
Радуйтесь, огнекрылых серафимов и богоносных  
престолов сослужительныя;  
Радуйтесь, господств, властей, начал  
благomoщныя сомолитвенницы;  
Радуйтесь, архангелов и ангелов преблагие  
споспешницы;  
Радуйтесь, нам, земнородным, любвеобильныя  
покровители и наставницы;  
Радуйтесь, велехвальныя херувимы, светом  
разума спасительнаго ны озаряющыи!

## **Кондак 3**

Силою богодарственнаго разумения вашего  
постигли есте, светозарныя херувимы, яко Бог  
Сущий есть Альфа и Омега, начало и конец, яко  
токмо в Нем есть жизнь, и токмо через Него вся

стало бысть, иже стало бысть; и сего ради блудословия преокаяннаго десницы отвергли есте и верность Вседержителю и Жизнедавцу явили есте; сице молим вы и нас в уповании безсомненном на милосердную премудрость Троицы Всесвятыя утвердите, да во веки с вами купно пети возможем: Аллилуйя.

### **Икос 3**

Имуще промышление сокровенное Свое о всяческом творении благоволи Всеблагий Наш Господь, егда согрешиша супротив Него прародители наши, поставити на востоке у сада Едемского единого от херувим [Быт. 3:24] с мечем огненным, дабы оберегати путь к древу жизни. Сие же ныне воспоминаая, просим вас, благословенные херувимы, удалить ны от дорог, ведущих к смерти и на пути, ведущему к жизни вечной, утвердите стопы наши, да зовем вам сице:

Радуйтесь, от злохитростного обольщения бесовскаго оберегающие;

Радуйтесь, козни диавольския всепобедно разрушающие;

Радуйтесь, любовью к Богу души наша исполняющие;

Радуйтесь, радостию познания благаго умы наши возвеселяющие;

Радуйтесь, яко озарением истины взыскающим

одаряете;  
Радуйтесь, яко от преткновений и соблазнов ны удаляете;  
Радуйтесь, яко любити Бога нас всего земнаго научаете;  
Радуйтесь, велехвальные херувимы, светом разума спасительнаго ны озаряющие!

#### **Кондак 4**

Бури сомнений и маловерия избавите ны, светоносные херувимы, да вами направляемые и озаряемые, веру крепкую, надежду нерушимую и любви премошную обрящем, в разумении истины Божия и дел спасительных возрастем, в добродетелех христоугодных души наша воспитаем и, ликом небесным подражая, велегласно и радостно воспоим: Аллилуйя.

#### **Икос 4**

Слышит Господь ваши о нас на Небеси ходатайства, велемудрые и велечудные херуимы, и исполняет ваша прошения, мы же, грешнии, просим и молим вас, богоблаженные заступники наши:, скоро услышите моления наша и вся наша печали на радость преложите и прошения всех zde молящихся скоро исполните, да радостно всегда поем вам сице:  
Радуйтесь, небесным светом сердца наша просвещающие;

Радуйтесь, мир, тишину и благоденствие нам являющие.

Радуйтесь, болящим духовно и телесно здравие подавающие;

Радуйтесь, злыя демоны от людей отгоняющие;

Радуйтесь, беснующимся здравие подавающие.

Радуйтесь, от всяких напастей чудесно свободяющие;

Радуйтесь, велехвальные херувимы, светом разума спасительного ны озаряющие!

### **Кондак 5**

Боготечнии пресветлии звезды явились есте, святии херувимы, небосвод вселенныя украшая и всех светом истины Господней озаряя, образ жития богоугодного верным раскрывая, вы бо к мысленному солнцу правды Христу приводите ны, зовущих ныне купно с вами Ему: Аллилуиа.

### **Икос 5**

Видевше христиане благочестивые взором духовным вас, велеславные херувимы, не токмо учителей духовных и к жизни вечней путеводителей, но и целителей от всяких телесных и душевных недугов, хвалу Господу воздаваша. Мы же за многая и неисчетная милости ваша, на ны изливаемая, ублажаем вас, преблагих предстателей, похвалами сими:  
Радуйтесь, рыданий и воздыханий наших

никогда же отметающие;  
Радуйтесь, пламене страстей наших утоляющие;  
Радуйтесь, от огня греховнаго соблюдающие;  
Радуйтесь, недуги телесные благодатно  
исцеляющие;  
Радуйтесь, отрадою небесною сердца наши  
исполняющие;  
Радуйтесь, даром мудрости земныя и небесныя  
ны окрыляющие;  
Радуйтесь, велехвальныя херувимы, светом  
разума спасительнаго ны озаряющие!

### **Кондак 6**

Проповедует мир христианский милости ваша,  
святые херувимы, яко по предстательству  
вашему и мы, суетою многообразною  
исполненные, научаемся отлагати попечения  
житейские и сподобляемся верно и благообразно  
служити носимому ангелы Царю Небесному, Его  
же милосердие и к нам преклоните, да с вами  
купно зовем Ему: Аллилуйя.

### **Икос 6**

Возсия свет спасения всем верующим в Господа  
нашего Иисуса Христа, Той бо распятие и  
смерть претерпе за человеки, воскресе и победи  
смерти жало. Сего ради небеса испонишася  
радости великою. Сие же вспомяная ныне  
просим вы, херуими многомудрые, в любви и

верности утвердите слабые души наша, да и в земном житии возможем мы прославить Спасителя нашего и, вами укреплямы и наставляемы, принесем Ему плод сторичный добродетелей, с надеждою вопия вам сице: Радуйтесь, моления наша Иисусу Христу присно возносящие;  
Радуйтесь, усердно молящихся вам светом благодати озаряющие;  
Радуйтесь, сияние райския жизни нам сокровенно источающие;  
Радуйтесь, все скорби наша и горькия беды улаждающие;  
Радуйтесь, грешников к покаянию приводящие;  
Радуйтесь, в любве и уповании возрастати ны научающие;  
Радуйтесь, велехвальныя херувимы, светом разума спасительнаго ны озаряющие!

### **Кондак 7**

Хотящее верными выну Господеви пребыти змия древляго и човекоубийцы искони волю вселукавую творити не восхотели есте, но избрали есте волю Божию, всеблагую и всесовершенную, ко спасению всех приводящую. Ея же творити и ны научите, да купно с вами воспоим Триипостасному Творцу Нашему: Аллилуиа.

## **Икос 7**

Новую и велию показа милость Человеколюбец  
Господь, егда благоволи явити сонм святых  
херуимов яко ходатаев спасения вечнаго. Вы бо,  
ныне, Небесному Престолу всех Владыки  
предстояще, неоскудно вспоможение источаете  
всем с верою прибегающим к вам и зовущим  
тако:

Радуйтесь, иждившим от недуга ум исцеление  
подающие;

Радуйтесь, свечи неугасимья, свет веры  
воспламеняющие;

Радуйтесь, добродетели путь освещающие;

Радуйтесь, душевредныя учения низлагающие;

Радуйтесь, душеполезныя знания дарующие;

Радуйтесь, омраченныя умы просвещающие и к  
Богу возвышающие;

Радуйтесь, велехвальныя херувимы, светом  
разума спасительнаго ны озаряющие!

## **Кондак 8**

Странники и пришельцы мы есмы на земли, по  
глаголу Апостолу: беды от врагов, скорби от  
близких, печали от лжебратии и сродник  
терпяще, в лишениях многих; не имамы бо зде  
пребывающаго града. Сице молим вас,  
заступники наши, в небесный град Иерусалим  
укажите нам путь, да сподобимся с вами купно  
во веки воспевати Творцу нашему: Аллилуиа.

## Икос 8

Всем верным утешительно есть славить вы, богоноснии херувимы, и молитвы к вам возносить, ибо веруем мы несомненно, яко вы со Христом во царствии небеснем пребываете; отонудуже и нас, треволнением моря житейскаго обуреваемых, молитвами вашими благодатно умирите, да вами наставляеми, леность душевредную от себе отрясем, на подвиги же духовныя вдохновимся, имуще вас к подвижничеству духовному учителей и руководителей. Сего ради благодарственно вам зовем:

Радуйтесь, благия мысли и чувства в недоумении нам сущим внушающие.

Радуйтесь, святые желания и намерения ко спасению нашему в сердца нам влагающие.

Радуйтесь, добрыми плодами веры, надежды и любви души наша исполняющие.

Радуйтесь, света вашего зарями мрак неведения нашего разгоняющие;

Радуйтесь, души обремененные заботами житейскими к попечению духовному направляющая.

Радуйтесь, суетная прелести мира сего презирати нас научающие;

Радуйтесь, велехвальные херувимы, светом разума спасительнаго ны озаряющие!

## **Кондак 9**

Вси небеснии силы ублажают собор ваш,  
многоочитии херувимы, вы же непрестанным  
гласом величаете Премудраго Творца, дивнаго  
во святых ангелах Своих, Бога нашего, согласно  
воспевая Ему купно со всеми праведными:  
Аллилуиа.

## **Икос 9**

Ветий человеческих уста не возмогут по  
достоянию воспети хвалу вам, многочитые  
предобрые херувимы, яко вы благовестников  
Евангелия Христова присно укрепляете, яко  
священником и иноком споспешествуете, яко  
мирянном в благочестии и молитве возрастати  
помогаете, яко в истинном богопознании ум наш  
утверждаете. Сего ради вопием вам сице:  
Радуйтесь, безвестная и тайная премудрости  
Божия нам открывающии;  
Радуйтесь, похвалы наша, аще и недостойнии  
вас, благосердно приемлющии;  
Радуйтесь, воздыхания и скорби наша  
неотвергающии;  
Радуйтесь, недостойныя наша молитвы  
приемлющии;  
Радуйтесь, от междоусобия и распри нас  
охраняющии;  
Радуйтесь, вражду и ненависть миром и  
любовию утоляющии;

Радуйтесь, скорбь и смущение сердец наших  
уменьшающие;  
Радуйтесь, велехвальные херувимы, светом  
разума спасительного ны озаряющие!

### **Кондак 10**

Спасения нашего усерднии ходатаи есте,  
многоочитии херуимы, сего ради молим:  
испросите нам у Господа Сил утверждение в  
вере и благочестии, да, не падше и обленившесе,  
но бодрствующе и трезвящесе, все время  
живота нашего потщимся в смирении,  
целомудрии и братолюбии пребывати и за вся  
Бога благодарити, взывающе Ему: Аллилуиа.

### **Икос 10**

Стена есте нерушимая и заступление предивное  
всем прибегающим с верою к вам,  
богоблаженные херувимы, сице просим вас:  
заступите, покройте и соблюдайте ны от  
искушений, озлоблений и бед, от вражиих  
козней, скорбей и напастей, Сего ради  
смятенный наш дух возносим в смиренной  
мольбе, взывающе:

Радуйтесь, у Престола Божия о нас грешных  
ходатайствующие;

Радуйтесь, конец жизни непостыден верным  
дающие;

Радуйтесь, безболезненную и мирную кончину

устраивающие;

Радуйтесь, наша сердца от запаления гневом и ярости сохраняющие;

Радуйтесь, от тяжбы и насилия злых людей нас соблюдающие;

Радуйтесь, мир и благоденствие нам ниспосылающие;

Радуйтесь, велехвальные херувимы, светом разума спасительного ны озаряющие!

### **Кондак 11**

Пение сие акафистное с надеждою и любовью возносим вам, многоочитые херувимы, и, созерцая духовное величие ваше и славу, имиже надели вы Отец наш Небесный, просим вас: призрите благоутробно на слабость словес наших хвалебных и несовершенство разумения нашего и испросите нам у Вседержителя вся благопотребное, иже мы не можем у Него испросити, да с вами купно с благодарением на устех и в сердце воспоем Господеви: Аллилуйя.

### **Икос 11**

Светильницы светоприемнии от истиннаго Света озаряемии явистесья, святии херувимы; мы же, земнородные, обремененнии грехами, болезнями и скорбьми многими, обретоша вас заступников небесных, яко подаете бо во вся дни бытия нашего врачевание страстем

неисцельным, радостию озарите сердца верных, чтущих вас и воспевающих с любовью таковая: Радуйтесь, яко научаете ны присно имети разум на доброе.

Радуйтесь, на пути греха нам запинаящие.

Радуйтесь, правошествовати ны наставляющие.

Радуйтесь, от лукавства злых человек ограждающие.

Радуйтесь, в злострадании ны благодатно укрепляющие.

Радуйтесь, благодарити Бога за вся научающие.

Радуйтесь, велехвальные херувимы, светом разума спасительнаго ны озаряющие!

### **Кондак 12**

Благодать Господня паче разумения и мечтания дерзновеннаго исцеляет ны и преобразяет человеческие естество наше, сего ради мы молим вас, прехвальные служители Божие, испросите у Отца Нашего Небеснаго, да уврачует раны наши душевныя, да не внидут в сердца ни гнев, ни тоска, ни иные недужи, да вашего представительства ради, исполнимся все мы радости и веселия о Бозе, обновляющем и укрепляющем, воспевая Творцу мира: Аллилуйя.

### **Икос 12**

Поюще вам, святые херувимы, песни хвалы и благодарения о всех благодеяниях вами нам

явленных, просим помощи нам в смутное сие  
время, оградите ны от врагов видимых и  
невидимых, да зовем вам усердне:  
Радуйтесь, свет тихий и радостный изливающие;  
Радуйтесь, заблуждающих на путь истины  
наставляющие;  
Радуйтесь, суетныя басни презирати  
помогающие;  
Радуйтесь, от мира к премирным ум  
возводящие;  
Радуйтесь, в посте и молитве прибывающим  
присно спребывающие;  
Радуйтесь, во благих намерениях приснии  
споспешники;  
Радуйтесь, велехвальныя херувимы, светом  
разума спасительнаго ны озаряющие!

### **Кондак 13**

О преславныя и богоносныя херувимы!  
Приимите малое сие моление наше, усердно вам  
приносимое и испросите у Спасителя нашего  
Господа Иисуса Христа добродетельное и  
богоугодное житие, терпение, мир душам  
нашим, здравие телесное и духовное  
преуспеяние. Да тако спасаемии в вечней жизни  
с вами купно воспоим Создателю нашему:  
Аллилуиа, аллилуиа, аллилуиа.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДНИЦЕ  
АРХАНГЕЛАМ  
И АНГЕЛАМ**

**І**

**НОВОЕ  
НЕБО**